



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
17 Dezembru 2013

Tribunál sira hahú tama ba feriadu anuál durante fulan ida

Tribunál sira hotu iha Timor-Leste, hahu hosi 15 Dezembru 2013 too 15 Janeiru 2014, tama ona ba tempu periódu ferias anuál.

Durante tempu ne'e, tribunál hotu-hotu sei suspende prosesu julgamentu hotu, exceptu ba kazu urgente sira hanesan prosesu sumáriu, primeíru interrogatóriu nomós ba kazu sira ne'ebé tenki hala'ó prosesu julgamentu tanba ejizénsia prosesuál tuir lei selae prosesu lakon nia efikasia.

Prosesu urjente hirak ne'e sei funsiona atraves hosi mekanismu turnus ne'ebé sei maneija husi tribunál ida-idak.

Bazeia ba Dekretu Lei Nú. 20/2012 kona-ba suspensaun ba atividade Tribunál no Feiras ne'ebé defini katak kada tinan atividade tribunál suspende husi 15 Dezembru – 15 Janeriu, durante tempu Pásqua no hosi 1 to'o 15 Agostu (Art. 1).

"Ne'e práтика anuál ne'ebé tinan-tinan akontese no JSMP hein katak ho feriadu anuál ne'e bele fornese espasu no tempu ne'ebé adekuada ba autóridade judisáriu no defensores públikus sira hodi rekupera fali sira nia enerjia ne'ebé durante ne'e sira fo ona hodi asegura justisa ba ema hotu, dehan Diretor Ezekutivu JSMP, Luis de Oliveira Sampaio.

Servisu autór judisáriu ne'e krusal tebes atu asegura setór sira seluk funsiona tuir interese no espetativa público. Tanba ne'e, autór judisáriu sira merese hetan apresiasaun atraves husi fornese kondisaun ne'ebé suficiente ba sira hanesan feriadu anuál no kondisaun sira seluk.

JSMP hein katak depoisde goja tiha sira nia feriadu anuál, majistradu juis, ministériu público no defensor público sira, ofisias justisa sei reasumi fila fali sira nia funsaun ho esperitu no enerjia foun hodi kontinua kaer sira nia papel atu servi interese público tuir sira ida-idak nia responsabilidade institusionál tuir lei haruka.

Aproveita oportunidade ne'e, JSMP mos hakarak hatoo agradesementu no apresiasaun ba kolaborasaun diak durante tinan 2013 nia laran no hein katak esperitu kolaborativu hirak ne'e sei kontinua hametin liu tan iha tinan sira tuir mai hodi asegura justisa ba ema hotu.

Atu hetan informasaun kompleitu, favor kontaktu:

Luis de Oliveira Sampaio

Diretor Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl